

政和五禮新儀



總校官庶吉士臣何思鈞

校對官主簿臣汪日贊

謄錄監生臣林李

欽定四庫全書

政和五禮新儀卷三十七

吉禮

皇帝祈穀祀上帝儀下

進熟

祀日有司陳鼎二於神厨各在鑊右太官令帥進饌者

詣厨以七升牛於鑊實於一鼎

肩臂膈脰脰正脊一直脊一橫脊一長脅一短

脅一代脅一皆二骨以並正配位各一鼎一鑊

皆設局幕祝史對舉陳於饌幔

內重行西向以南為上光祿實籩豆簠簋於饌幔內籩實

以粉養豆實以糝食
簠實以梁簠實以稷

次引禮部侍郎詣饌所視腥熟之

節俟皇帝升奠玉幣訖還位樂止禮部尚書詣饌所執

籩豆簠簋以入戶部尚書詣饌所奉俎以入太官令引入

正門宮架豐安之樂作設於郊階之下北向西上奉牲

者在東祝史抽局委于鼎右除冪初鼎序入有司執匕

及俎以從至卯階下各設於鼎西匕加於鼎太官令以

匕升牛載於一俎

肩臂膈在上端肫膈下端
脊骨在中正配位各一俎

鼎先退俟

祝史進徹毛血槃以次出次引禮部尚書搢笏執籩豆
簋簠戶部尚書搢笏奉俎以升執事者各迎於壇上禮
部尚書奉籩豆簋簠詣上帝神位前北向跪奠啟蓋于
下執笏俛伏興有司設籩於糗餌前豆於醢醢前簋於
稻前簠於黍前次引戶部尚書奉俎詣上帝神位前北
向跪奠執笏俛伏興有司設於豆前次詣太宗皇帝神
位前東向跪奠並如上儀樂止俱降復位太祝取菹擣
于醢祭於豆間三又取黍稷肺祭如初皆籍用茅各還

尊所次引太宰左丞詣上帝神位前西向立以北為上吏部侍郎詣爵洗位東向立禮儀使前導皇帝詣盥洗位宮架樂作至洗位北向立樂止內侍酌水以進禮儀使奏請搯大圭盥手內侍跪取巾於篚興以進皇帝悅手內侍受巾跪奠於篚禮儀使奏請執大圭前導皇帝詣爵洗位宮架樂作至洗位北向立樂止吏部侍郎跪取爵於篚興以進禮儀使奏請搯大圭受爵內侍酌水以進禮儀使奏請洗爵內侍跪取巾於篚以進皇帝拭爵

內侍受巾跪奠於篚吏部侍郎受爵升自午階禮儀使
奏請執大圭前導皇帝升壇宮架樂作至午階樂止升
自午階登歌樂作至壇上樂止登歌歆安之樂作吏部
侍郎奉爵詣正位酌尊所西向立執尊者舉罍良醞令
酌太尊之泛齊訖次詣配位酌尊所北向立禮儀使前
導皇帝詣上帝神位前北向立禮儀使奏請搢大圭跪
吏部侍郎以爵授左丞左丞授太宰太宰西向跪以進
禮儀使奏請執爵祭酒

三祭于
茅苴

奠爵執大圭俛伏興又

奏請少立樂止太宰左丞俱詣太宗皇帝神位前北向立以俟舉冊官舉祝冊進於上帝神位之右讀冊官搢笏東向跪讀冊文讀訖執笏興先詣太宗皇帝神位前南向立禮儀使奏請再拜皇帝再拜有司奠冊于上帝神位前禮儀使前導皇帝詣太宗皇帝神位前酌獻並如上儀

惟登歌作
紹安之樂

太宰以下俱復位禮儀使前導皇帝

還版位登歌樂作降階樂止宮架樂作至版位西向立樂止禮儀使奏請還小次宮架樂作將至小次禮儀使

奏請釋大圭殿中監跪受大圭皇帝入小次簾降樂止
文舞退武舞進宮架容安之樂作舞者立定樂止初皇
帝將詣小次禮直官太常博士引亞獻詣盥洗位北向
立搯笏盥手悅手執笏詣爵洗位北向立搯笏洗爵拭
爵以授執事者執笏升詣正位酌尊所西向立官架
作隆安之樂神保錫羨之舞執事者以爵授亞獻搯笏
執爵執尊者舉冪太官令酌山尊之醴齊訖次詣配位
酌尊所北向搯笏跪執事者以爵授執事者執笏詣上

帝神位前北向搢笏跪執事者以爵授亞獻亞獻執爵
祭酒三祭于茅苴奠爵執笏俛伏興少退北向再拜次
詣太宗皇帝神位前酌獻並如上儀樂止降復位初亞獻
行禮將畢次禮直官太常博士引終獻詣洗及升壇酌
獻並如亞獻之儀降復位初皇帝既奠玉幣光祿以牛
左臂一脅及長脅短脅俱二骨以並載于胙俎設于壇
下飲福位之西俟終獻既升獻引戶部尚書搏黍太
祝太官令詣飲福位東向立奉俎豆爵酒者各位於其

後禮儀使奏請詣飲福位簾捲出次宮架樂作殿中監
跪進大圭禮儀使奏請執大圭前導皇帝詣飲福位將
至位樂止宮架禧安之樂作皇帝至飲福位北向立尚
醞典御執尊升詣酌尊所良醞令酌上尊福酒合置一
尊典御奉尊降詣飲福位以授殿中少監尚醞奉御執
爵殿中少監酌之奉御於爵授殿中監殿中監西向捧
以立禮儀使奏請再拜皇帝再拜殿中監跪以爵酒進
禮儀使奏請搢大圭跪受爵祭酒

三祭
于地

啐酒奠爵殿中

監跪受爵以興太祝帥執事者持胙俎進減神位前正脊二骨加於俎上內侍受俎以授戶部尚書戶部尚書西向跪以進皇帝受俎奠戶部尚書受俎以興退復位太官令取黍於簋搏以授太祝太祝受以豆東向跪進皇帝受訖奠之太祝受豆以興退復位次殿中監再跪以爵酒進禮儀使奏請受爵飲福酒奠爵殿中監受虛爵興以授典御奉御執事者俱退復位禮儀使奏請執大圭俛伏興又奏請再拜皇帝再拜樂止禮儀使前導皇

帝還版位宮架樂作至版位西向立樂止次引禮部尚
書升壇徹籩豆戶部尚書升壇徹俎籩豆俎各一
俱少移故處登歌
成安之樂作卒徹樂止禮部戶部尚書降復位禮直官
曰賜胙行事陪祠官拜贊者承傳曰賜胙再拜在位官
再拜送神宮架景安之樂作一成止

望燎

景安之樂畢禮儀使奏請詣望燎位前導皇帝詣望燎
位宮架樂作至位南向立樂止初賜胙再拜訖郊社令

以黍稷肺祭藉以白茅束之吏部侍郎帥太祝執篚進
詣神位前取玉幣祝冊籍以茅以俎載牲醴黍稷飯爵
酒各由其階降壇南行詣樂壇自南陞升以玉幣祝冊
饌物置於燎柴禮直官曰可燎舉燿火東西各以炬燎
半柴禮儀使奏禮畢前導皇帝還大次宮架樂作出中
壝門外禮儀使奏請釋大圭殿中監跪受大圭以還有
司侍衛如常儀皇帝至大次樂止禮部郎中奏解嚴引
大禮使以下詣卯階之東內壝外揖位立禮直官贊禮

畢揖訖退通事舍人引陪祠文武官及宗室客使以次
出將士不得輒離部位

端誠殿受賀並
如冬祀大禮儀

車駕還內

前期殿中監帥其屬尚舍設御幄於大慶殿門外之東
南向大晟設宮架於宣德門外稍南其日祀事禮畢所
司轉仗衛鹵簿於還途如來儀文武百官宗室客使先
詣宣德門外就次以俟立班奉迎乘黃令進金輅於行
宮殿門外南向千牛將軍一員執長刀立於輅前尚輦

奉迎御輿於齋殿導駕官俱詣齋殿門外奉迎禮部侍

郎奏請中嚴少頃又奏外辦簾捲皇帝服通天冠絳紗

袍乘輿以出應導駕官等並迎駕奏聖躬萬福內祇應官贊謝

拜皆再太僕卿出詣金輅所攝衣而升正立執轡皇帝乘

輿降自西階至金輅所左輔奏請皇帝降輿升輅有司仍具

大輦若乘輦即太僕卿立授綏千牛將軍馭駕如來儀奏云降輿乘輦

門下侍郎奏請車駕進發車駕動稱警蹕侍衛如常儀

至侍臣上馬所門下侍郎奏請車駕少駐勅侍臣上馬

左輔前承旨退稱曰制可門下侍郎傳制稱侍臣上馬
替者承傳車駕進發車駕動稱警蹕鼓吹及諸軍樂振
作車駕將至宣德門外文武百官宗室客使並立班再
拜奉迎次大內留守見再拜訖退車駕至宣德門外少
駐文武侍臣皆下馬步導千牛將軍降立于輅右車駕
動千牛將軍夾輅而趨大樂正令奏采茨之樂入門樂
止車駕至御幄前左輔奏請皇帝降輅乘輿

若乘輦即
奏云降輦

乘輿皇帝降輅乘輿以入禮部侍郎奏解嚴通事承旨

勅羣官各還次將士各還其所

若肆赦並如冬祀大禮宣德門肆赦之儀

政和五禮新儀卷三十七

欽定四庫全書

政和五禮新儀卷三十八

吉禮

祈穀祀上帝儀

有司行事

時日

齋戒

奏告

陳設

省牲器

奠玉幣

進熟

望燎

時日

太常寺預於隔歲以來年正月上辛祈穀祀上帝闕太
史局太史局以其日報太常寺太常寺參酌訖具時日
散告

齋戒

前祀十日受誓戒于尚書省其日五鼓贊者設位版於
公相廳下初獻官在左刑部尚書在右並南向亞終獻
位于其南稍東北向西上監察御史位于其西稍北東
向戶部尚書大司樂光祿卿大樂令光祿丞位於其南
稍西北向東上大樂令光祿丞位稍却奉禮協律郎太祝郊社太
官令位於其東西向北上贊明贊者引行事執事官就
位立定禮直官引初獻降就位禮直官贊揖在位者對

揖初獻搢笏讀誓文云某月某日上辛祈穀祀上帝各
 揚其識不共其事國有常刑讀訖執笏禮直官贊奉禮
 協律郎太祝郊社太官令先退餘官對拜乃退散齋七
 日治事如故宿于正寢不弔喪問疾作樂判書刑殺文
 書決罰罪人及與穢惡致齋三日
光祿卿丞太官令齋一日 二日于
 本司無本司者于太常齋舍 唯執事得行其餘悉禁前祀一
齋舍 日質明俱赴祠所齋官給酒饌祀官已齋而闕者通

攝行事

奏告

前祀二日奏告太宗皇帝室如常告之儀

陳設

前祀二日儀鸞司設行事執事次於壇東壝門之外及齋宮之內隨地之宜設饌幄於內壝東門外道北南向前三日光祿牽牲詣祠所前一日郊社令帥其屬掃除壇之上下太常設神位席太史設神位版於壇上

凡設神位

版皆郊社令監視

太常設祭器

凡設祭器皆藉以席籩豆又加巾蓋

以俟告潔

既畢

權徹

光祿陳牲于卯塔之東南內壝之外西向祝史各位

于牲後太常設省牲位于牲西三獻官在南北向戶部

尚書大司樂光祿卿太樂令光祿丞奉禮協律郎太祝

郊社太官令在北南向俱西上

凡設大樂令光祿丞以下位皆稍却

監察

御史於戶部尚書之西少絕光祿陳禮饌於壇之東南

內壝之外南向太常設省饌位版於禮饌之南三獻官

在南北向西上監察御史在西東向戶部尚書大司樂

光祿卿大樂令光祿丞奉禮協律郎太祝郊社太官令

在東西向北上大晟設登歌之樂於壇上稍南北向設

宮架於壇南內壝之外立舞表於鄼綴之間祀日丑前

五刻禮直官贊者諸司職掌各服其服太常設神位席

太史設神位版上帝位於壇上北方南向席以橐秸太

宗皇帝位於壇上東方西向席以蒲越太常陳玉於神

位之左玉以蒼璧盛以匣燔玉用珉禮神之玉奠於神前燔玉加於

幣配位不用玉陳幣篚各於神位之左幣以蒼祝版各於神位

之右置於坫太常設祭器光祿實之每位各左十有二

籩為三行以右為上

第一行形鹽在前魚鱸糗餌粉饘次之第二行榛實在前乾桃乾蓀

乾棗次之第三行菱在前芡栗鹿脯次之

右十有二豆為三行以左為上

第一

行芥菹在前荀菹葵菹菁菹次之第二行韭菹在前醢

食魚醢兔醢次之第三行肫胎在前鹿鶩醢醢糝食次

之俎三一於籩前

實以牛腥七體兩髀兩肩兩脅并脊兩髀在兩端兩肩兩脅次之脊在中

二在豆右為二重以北為上

第一重實以牛腥腸胃肺誰肺一在上端判肺三次之

腸三胃三又次之第二重實以牛熟腸

登一在籩豆間

胃肺其載如腥若配位即以東為上

實以大羹

槃一在登前

實以毛血

簋二簋二在籩豆外簋在

左簋在右

簋實以稻梁梁在稻前簋實以黍稷稷在黍前

設太尊五山尊五

為二重在壇上東南隅北向西上

配位即設于正位酒尊之東

太尊

在前皆有坩加勺罍為酌尊

太尊一實明水為上尊餘實泛齊代以供內法酒初獻酌

之山尊一實醴齊代以祠祭法酒亞終獻酌之

又設太尊二山尊二在神位前

太尊

一實泛齊山尊一實醴齊各以一尊實明水

著尊二犧尊二在午階之西第

一龕

著尊一實盞齊犧尊一實醴齊各一尊實明水若配位即設于西階之北第一龕

象尊二壺

尊六在壇下午階之西

象尊一實明水一實沉齊壺尊三實玄酒三實三酒明水玄酒

皆在上若配位即設壇下西階之北

俱北向西上

若配位即東向北上

皆加罍五齊

三酒設而不酌太常設燭於神位前又設俎二於饌幔

內洗二于卯階東北向盥洗在東 爵洗在西罍在洗東加勺篚在洗

西南肆實以巾若爵洗之篚則又實以爵加坩執罍篚者位其後又設

揖位于卯階之東內壝之外如省牲位惟不設光祿卿丞位積柴

于燎壇設望燎位于卯階之東南內壝之內三獻官在

北南向西上監察御史在西東向戶部尚書大司樂大

樂令奉禮協律郎太祝郊社令在東西向北上又設三

獻官席位於卯階之東北西向南上戶部尚書席位于

卯階之東南西向設監察御史席位於午階之南北向

奉禮郎太祝郊社太官令位於其後大司樂大樂令席
位於監察御史之東協律郎位於其後光祿卿席位於
大司樂之東俱北向西上又設監察御史位于壇上樂
虞之北在西東向奉禮郎太祝郊社令在東西向北上
大樂令於樂虞之北太官令在酌尊所俱北向協律郎
位二一于壇上樂虞之西一於宮架之西北俱東向大
司樂位於宮架之北北向

省牲器

前祀一日行事執事官集初獻齋所肄儀太祝習讀祝

文視玉幣及神位版訖並赴壇所各就次禮直官贊者

分引行事執事官詣壇東省牲位凡初獻行事禮直官餘官皆贊者引立定

禮直官贊揖次引大司樂入行樂架次引監察御史升

自卯階凡行事執事者升降皆自西階視滌濯執事者舉罍曰潔降復

位禮直官稍前曰告潔畢請省牲太祝出班巡牲一匝

詣初獻前西向躬曰脯退復位禮直官贊省牲畢請詣

省饌所禮直官贊者省饌畢揖訖俱還齋所光祿丞太

祝以次牽牲詣厨授太官令次引監察御史詣厨省鼎
鑊視祭器滌漑協律郎展視樂器乃還齋所未後一刻
太官令帥宰人以鷹刀割牲祝史以槃取毛血各置於
饌所遂烹牲哺後郊社令帥其屬掃除壇之上下訖還齋
所

奠玉幣

祀日丑前五刻

行事用丑
時七刻

初獻以下並赴壇所就次郊

社令先入視設神位版訖退樂正帥工人二舞入就位

登歌工人候監察御史
點閱訖升階各就位

次太官令帥其屬實饌具畢次

引光祿卿入詣午階之南席位北向贊者曰再拜光祿卿

再拜升壇視禮饌畢次引監察御史升壇點閱陳設糾

察不如儀者

凡點視點閱皆先詣正位

光祿卿還齋所餘官各服祭

服次引行事執事官各就卯階東內壝外揖位立定禮直

官贊揖次引大司樂大樂令協律郎先入就午階南席

位北向立贊者曰再拜大司樂以下皆再拜各就位次

監察御史奉禮郎太祝郊社太官令入就午階南席位

北向立次引初獻戶部尚書亞終獻入就卯階東席位

西向立禮直官稍前贊有司謹具請行事協律郎跪俛

伏舉麾興工鼓祝宮架作景安之樂帝臨嘉至之舞六

成偃麾憂敵樂止凡樂皆協律郎跪俛伏舉麾興工太常

升煙燔牲首贊者曰再拜在位者皆再拜次引監察御

史奉禮郎太祝郊社太官令升壇各就位立定太官令

酌尊次引初獻詣盥洗位宮架正安之樂作凡初獻升

作正安北向立搯笏盥手悅手執笏升壇樂止登歌樂

作詣上帝神位前北向立樂止登歌嘉安之樂作搢笏
 跪次引奉禮郎搢笏西向立跪執事者以玉幣授奉禮
 郎奉禮郎奉玉幣授初獻訖執笏先詣太宗皇帝神位
 前北向立初獻受玉幣奠訖執笏俛伏興再拜訖樂止
 次引初獻詣太宗皇帝神位前東向立
酌獻詣配位准此 奠幣
 如上儀 唯登歌作仁安之樂 樂止奉禮郎復位初獻將降壇登歌
 樂作降階樂止宮架樂作復位樂止

進熟

祀日有司設鼎二於神厨各在鑊右光祿帥進饌者詣

厨以匕升牛于鑊實于一鼎

肩背膈肫脰正脊一直脊一橫脊一長脅一短脅一

代脅一皆二骨以並正配位各一鼎

皆設扃幕祝史對舉入設於饌幔內

候初獻既升奠玉幣入陳于卯階下西向南上祝史抽

扃委於鼎右除幕初鼎序入匕加于鼎光祿以匕升牛各

載於一俎

肩臂膈在上端肫脰在下端脊脅在中正配位各一俎

鼎先退次引戶

部尚書詣卯階下搢笏奉俎升壇宮架豐安之樂作詣

上帝神位前北向跪奠執笏俛伏興有司設于豆前次

詣太宗皇帝神位前東向奉俎如上儀訖樂止降復位
初奠俎訖引太祝取菹孺于醢祭于豆間三又取黍稷
肺祭如初俱藉以茅退復位次引初獻再詣盥洗位宮
架樂作至洗位北向立搯笏盥手悅手執笏詣爵洗位
搯笏洗爵拭爵以授執事者執笏升壇樂止登歌樂作
詣正位酌尊所西向立樂止登歌嘉安之樂作執事者
以授爵初獻初獻搯笏執爵執尊者舉冪太官令酌
太尊之泛齊訖先詣配位酌尊所北向立初獻以爵授

執事者執笏詣上帝神位前北向立搢笏跪執事者以

爵授初獻初獻執爵祭酒三祭於茅苴奠爵執笏俛伏

興少立樂止次引太祝於神位前東向搢笏跪讀祝文

讀訖執笏興先詣太宗皇帝神位前南向立初獻再拜

次詣太宗皇帝神位前酌獻並如上儀

惟登歌作樂
紹安之樂

樂止

太官令復詣正位酌尊所太祝復位初獻將降壇登歌

樂作降階樂止宮架樂作舞者立定樂止次引亞獻詣

盥洗位北向立搢笏盥手帨手執笏詣爵洗位北向立

搯笏洗爵以授執事者執笏升壇詣正位酌尊所西向
立宮架作乂安之樂神娛錫羨之舞執事者以爵授亞
獻亞獻搯笏執爵執事者舉罍太官令酌山尊之醴齊
訖先詣配位酌尊所北向立亞獻以爵授執事者執笏
詣上帝神位前北向立搯笏跪執事者爵授亞獻亞獻
執爵祭酒三祭於茅苴奠爵執笏俛伏興再拜次詣太
宗皇帝神位前行禮並如上儀訖樂止降復位次引終
獻詣洗及升壇行禮並如亞獻之儀降復位引太祝徹

籩豆

籩豆各一
少移故處

登歌肅安之樂作卒徹樂止次引郊社

令束茅訖俱復位禮直官曰賜胙贊者承傳曰賜胙再拜在位者再拜送神宮架景安之樂作一成止

望燎

初景安之樂畢引三獻官戶部尚書詣望燎位宮架樂作至位樂止有司各詣神位前取玉幣祝版饌物及牲之左髀束茅置於燎壇次引監察御史大司樂大樂令奉禮協律郎太祝郊社令詣望燎位立定禮直官曰可

燎火燎半柴次引初獻以下詣東墻門外揖位立禮直
官贊禮畢揖訖退太官令帥其屬徹禮饌次引監察御
史詣壇監視收徹訖還齋所光祿卿以昨奉進監察御
史就位展視光祿卿望闕再拜乃退

政和五禮新儀卷三十八

欽定四庫全書

政和五禮新儀卷三十九

吉禮

皇帝雩祀上帝儀上

時日

齋戒

奏告

陳設

車駕自大慶殿詣青城

省牲器

奠玉幣

進熟

望燎

吉對車駕還內

時日

前期降御劄以來年四月擇日雩祀上帝太常寺帖太史

局擇日報太常寺太常寺參酌申奏具時日散告

齋戒

前祀十日質明有司設行事執事及陪祠文武官位於

朝堂太宰刑部尚書在北南向太宰在左刑部尚書在

右刑部尚書稍却行事太宰左丞在南吏部戶部禮部尚書吏

部禮部侍郎大司樂光祿卿大樂令光祿丞在其南凡設

光祿丞大樂令位皆稍却如朝獻朝享即功臣獻官在光祿丞下執事官又在其南俱

北向西上監察御史位二在西東向北上讀冊舉冊官

奉禮協律郎太祝郊社太官令在東西向北上

奉禮以下位皆

稍却設陪祠文武百官位於行事官之南又設行事執事

及陪祠親王宗室位於太廟齋坊少宰刑部侍郎在北

南向少宰在左刑部侍郎在右

刑部侍郎稍却

亞終獻在南北

向西上親王及行事執事陪祠宗室在東西向北上東

上閣門御史臺太常寺以下分引羣官各就位

凡將引行事執

事陪祠文武官立班即御史臺引殿中侍御史一員先入就位

太宰讀誓于朝堂刑部尚

書涖之少宰讀誓於太廟齋坊刑部侍郎涖之誓文曰

今年四月某日皇帝雩祀上帝

如朝獻朝享即以前三日朝獻景靈宮前一日

朝享太廟

各揚其職其或不恭國有常刑讀訖

內朝堂執事官奉禮即以

下文官宣德即以下武官從義即以下先退

餘並對拜訖退皇帝散齋七日

於別殿致齋三日

二日於大慶殿一日於青城如朝獻朝享即一日於大慶殿一日於太廟

一日於青城

凡散齋不弔喪問疾作樂有司不奏刑殺文書

致齋日前后殿不視事唯行祀事前致齋一日殿中監

帥其屬尚舍鋪御座於大慶殿當中南向設東西房於

御座之左右稍北又設西閣及齋室於殿後之左右殿

上前楹施簾致齋之日質明有司陳大駕鹵簿於宣德門外尚輦陳平輦於垂拱殿廷文武百官俱就次各服其服東上閣門奏請皇帝未后詣齋室通事舍人等自下分引知樞密使以下詣垂拱殿廷立班東上閣門所內侍進班齊牌垂拱殿簾降皇帝乘輦出至殿上少駐輦官迎駕自贊常起居宣輦官上殿簾卷鳴鞭行門禁衛諸班親從迎駕自贊常起居次舍人先贊知內侍省官以下常起居次樞密以下通班常起居贊祇候引駕樞

密知客省事以下至簽書東上閣門官分左右立六尚

局應奉官祇應通侍大夫以下武功大夫以下並先退

次管軍臣僚宣名常起居贊祇候引駕並分左右前導

輦降東階垂拱殿門外禁衛諸班親從自贊常起居次

行宮使御營巡檢一班常起居如通侍大夫以下知客

下知內事兩省帶御器械官至大慶殿後閣降輦入西

閣大慶殿簾降前導官並就次易朝服詣御榻前分左右

侍立知樞密院事簽書樞密院事在東西向北上同知

樞密院事在東西向左輔一員在知樞密院事之

北贊拜東上閣門官一員又在其北並西向知客省事
以下在簽書樞密院事之南稍東西向北上簽書客省
事以下又在通事舍人等分引行事執事陪祠文武官
其南稍却

各綰結佩入詣大慶殿廷立班引禮部侍郎奏請中嚴
侍臣詣幄奉迎內外符寶郎奉寶先出陳於御榻之左
右少頃禮部侍郎奏外辦皇帝服通天冠絳紗袍綰結
佩出西閣乘輿稱警蹕侍衛如常儀由西房至御榻西
降輿皇帝即御座南向侍臣夾侍贊拜東上閣門官於
榻前贊樞密以下拜殿之上下應在位官皆再拜

東上閣門

官贊禮訖轉身北向隨拜訖面西贊各祇候

次禮直官引左輔詣御座前俛

伏跪奏稱左輔具官臣某官請皇帝降座就齋室奏訖

俛伏興退侍位

凡左輔奏請准此

皇帝降座乘輿由東房入齋

室侍臣各還所司直衛者如常儀通事舍人分引行事

執事陪祠文武官以次出

三省親王樞密宗室起居問聖體並如儀

應行事

執事陪祠官及從升者並散齋七日宿於正寢致齋三

日各宿於其次

三省樞密院官各宿于本廳及都堂侍從官并尚書侍郎分宿于秘書後省餘

官內廷有所司者各宿于其司諸方客使許赴陪位者各宿于其次

凡散齋治事如故唯

不弔喪問疾作樂判書刑殺文書決罰罪人及與穢惡致齋之日官給酒饌唯祠事得行其餘悉禁與祠之官已齋而闕者通攝行事

奏告

前祀二日奏告太宗皇帝室如常告之儀

陳設

前祀三日殿中監帥其屬尚舍設大次於外墻東門之內道北南向小次於午階之東西向儀鸞司設文武侍

臣次於大次之前隨地之宜行事陪祠官宗室及有司
次於外壝東門之外設東方南方客使次於文官之後
西方北方客使次於武官之後設饌幔於內壝東門之
外道北南向前祀二日郊社令帥其屬掃除壇之上下
積柴於燎壇光祿牽牲詣祠所大晟陳登歌之樂於壇
上稍南北向設宮架於壇南內壝之外立舞表於鄼綴
之間前祀一日太常設神位席太史設神位版上帝位
於壇上北方南向席以橐拮太宗皇帝位於壇上東方西

向席以蒲越

告潔畢
權徹

奉禮郎禮直官設皇帝位版於壇

上小次前西向飲福位於壇下午階之西北向望燎位

於柴壇之北南向設燿火於望燎位之東西向

東西各
六人

贊

者設亞終獻位於小次之南稍東西向大禮使太宰左

丞在於其南行事吏部戶部禮部尚書吏部禮部侍郎

光祿卿讀冊舉冊官光祿丞位於大禮使之東

光祿丞
稍却

奉禮郎搏黍太祝郊社太官令位於小次之東北俱西

向北上監察御使位二一於壇下午階之西南一於子

階之西北俱東向協律郎位二一於壇下樂廡之西北
一於宮架之西北俱東向大樂令位於登歌樂廡之北
大司樂位於宮架之北良醞令位於酌尊所俱北向又
設陪祠文武官位於執事者之南諸方客使在文官之
南隨其方國光祿陳牲於東壝門外西向祝史各位於
牲后太常設省牲位於牲西大禮使太宰左丞在南北
向西上行事吏部戶部禮部尚書吏部禮部侍郎大司
樂光祿卿讀冊舉冊官大樂令光祿丞奉禮協律郎搏

泰太祝郊社太官令在北南向西上凡設太樂令以下位皆稍却監

察御史在吏部尚書之西異位稍却光祿陳禮饌於東

壇門外道北南向太常設省饌位版於禮饌之南大禮

使太宰左丞在南北向西上監察御史位二俱在西東

向北上行事吏部戶部禮部尚書吏部禮部侍郎大司

樂光祿卿讀冊官大樂令光祿丞奉禮協律郎搏黍太

祝郊社太官令在東西向北上禮部帥其屬設祝冊案

於神位之右司尊彝帥其屬設玉幣篚於酌尊所次設

籩豆簠簋之位每位皆左十有一籩右十有一豆俱為
三行俎三一在籩前二在豆右為二重登一在籩豆間

簠一簋一在籩豆外簠在左簋在右又設尊坫之位每

位皆太尊五山尊五為二重在壇上東南隅北向西上

配位設于正位酒尊之東太尊在前皆有坫加勺罍為酌尊又太尊

二山尊二在神位前著尊二犧尊二在壇下午階之西

配位設于壇下西階之北象尊二壺尊六在壇下午階之東配位設于壇下

西階之南俱北向西上配位即東皆加罍設而不酌又設每

位籩豆簠簋盤盥各一於饌幔內設御洗二於壇下午

階東南北向盥洗在東壘洗在東加勺筐在洗西南肆

實以巾若洗爵七筐即設皇帝位於洗南北向內侍酌

水位於洗東執巾位於酌水內侍之北俱西向吏部侍

郎位於爵洗之東西向又設亞終獻盥洗爵洗於本位

之南壘筐各設於左右皆西向執壘筐者位其後祀日

丑前五刻郊社令與太史官屬各服其服升壇設上帝

太宗皇帝神位版於壇上太府卿少府監帥其屬陳玉

禮神之玉置於神位前燔玉加於幣光祿卿帥其屬入

實籩豆簠簋

籩三行以右為上第一行形鹽在前魚鱸
糗餅次之第二行榛實在前乾桃乾棣乾

棗次之第三行菱在前芡栗鹿脯次之豆三行以左為上
第一行芹苴在前荀菹菹菁苴次之第二行苴苴在前

醢食魚醢兔醢次之第三行豚胎在前鹿麋
醢醢次之簠實以稻簋實以黍登實以大羹太官令帥

其屬入寶俎

籩前之俎一實以牛腥七體兩髀兩肩兩脅并
脊兩髀在兩端兩脅兩肩次之脊在中豆右

之俎二重第一重實以牛腥膈胃肺離肺一在上端利
肺三次之膈三胃三又次之第二重實以牛熟膈胃肺

其載如腥若配
位即以東為上
良醢令帥其屬入寶尊
太尊實以泛齊
山尊實以醴齊

著尊實以盎齊犧尊實以醢齊象尊實以沈齊各以一
尊實明水壺尊三實玄酒三實三酒明水玄酒皆在上

太常設燭於神位前又設大禮使以下行事執事官揖
位於外階之東內壝之外如省牲位所司陳異寶嘉瑞
及伐國之寶於宮架之南東西相向

政和五禮新儀卷三十九

欽定四庫全書

政和五禮新儀卷四十

吉禮

皇帝雩祀上帝儀中

車駕自大慶殿詣青城

前祀一日文武陪祠官先詣雩祀壇齋宮其日導駕官
以下就次各服其服尚輦奉御進輿於大慶殿乘黃令
進玉輅於宣德門內南向設千牛將軍一員位於輅前

北向門下侍郎一員於左輔之前贊者二人位於其前

少頃東上閣門御史臺太常寺分引左輔門下侍郎太

僕卿乘黃令詣大慶殿西階下立北向東上

乘黃令位於其後

次引導駕官在其后分東西相向立以俟奉迎前導次

管軍臣僚次行宮使御營巡檢等又在其后禮直官通

事舍人引禮部侍郎奏請中嚴

凡左輔門下侍郎禮部侍郎奏請皆禮直官通

事舍人引

少頃又奏外辦皇帝服通天冠絳紗袍乘輿以出

降自西階稱警蹕如常儀宣贊舍人贊左輔以下常起

居次導駕官常起居

已起居者止
奏聖躬萬福

次管軍臣僚次行宮

使御營巡檢等常起居

該宣名者
即宣名

太僕卿出詣玉輅所

攝衣而升正立執轡導駕官前導皇帝出大慶殿門外

至玉輅所千牛將軍前跪執轡左輔進當輿前俛伏跪

奏左輔具官臣某言請皇帝降輿陞輅奏訖俛伏興退

復位

凡左輔奏
請准此

乘黃令稍前東向進玉輅皇帝陞輅太

僕卿立授綏導駕官分左右步導門下侍郎進當輅前

俛伏跪奏稱門下侍郎具官臣某言請車駕進發奏訖

俛伏興退復位

凡門下侍郎奏請准此

車駕動稱警蹕左輔先詣

宣德門內以俟門下侍郎及贊者夾侍以出千牛將軍夾輅而趨車駕將及門至侍臣上馬所門下侍郎奏請車駕少駐勅侍臣上馬左輔前承旨退稱曰制可門下侍郎傳制稱侍臣上馬贊者承傳勅侍臣上馬諸侍衛之官各督其屬左右翊駕在黃麾內符寶郎奉八寶前導殿中監後部從導駕官夾侍於前贊者在左輔門下侍郎之前侍臣上馬畢次大內留守於宣德門外再拜

奉辭門下侍郎奏請車駕進發車駕動稱警蹕不鳴鼓
吹大駕鹵簿前導詣青城車駕將至青城東上閣門御
史臺分引文武陪祠官宗室客使禮直官贊者引行事
執事官俱詣泰禋門外立班再拜奉迎訖退

內已起居者止奏聖

躬萬福

車駕及門少駐文武侍臣皆下馬導駕官步導

入門車駕動千牛將軍夾輅而趨至端誠殿前迴輅南
向千牛將軍立於輅右左輔奏請皇帝降輅乘輿尚輦
奉御進輿於輅后皇帝降輅乘輿入齋殿侍衛如常儀

導駕官步導至殿閣皇帝降輿歸殿后閣簾降通事舍

人承旨勅羣官各還次學士院以祝冊授通進司進御

書訖付尚書禮部

如朝獻朝享即並如冬祀大禮車駕自太廟詣青城儀

省牲器

省牲之日午后十刻去壇三百步禁行者未後二刻郊

社令帥其屬掃除壇之上下司尊彝帥府史及執事者

以祭器入設於位

凡設祭器皆藉以席籩豆又加巾蓋

太府卿少府監陳

玉幣於篚

告潔畢權徹

未後二刻禮直官贊者分引大禮使

以下詣東壝門外省牲位立定光祿卿與執事者牽

牲就位禮直官贊揖贊者引大司樂入行樂架凡亞終獻行事

皆禮直官太常博士引大禮使太宰左丞行事皆禮直官引餘官皆贊者引次引禮部尚書

陞自外階視滌濯凡行事執事者升降皆自外階次引太宰申視滌濯

執事者舉罍曰潔俱復位禮直官稍前曰告潔畢請省

牲次引禮部尚書侍郎稍前省牲訖退復位次引光祿

卿出班巡牲一匝西向躬曰充曰脩次引光祿丞出班

循牲一匝西向躬曰膾俱復位禮直官稍前曰省牲畢

請就省饌位贊者揖訖引大禮使以下各就位立定禮
 直官贊揖所司省饌具畢禮直官贊省饌畢贊揖訖俱
 還齋所光祿卿及執事者以次牽牲詣厨省鼎鑊視
 滌漑協律郎展視樂器乃還齋所晡後一刻太官令帥
 宰人以鸞刀割牲祝史各取毛血實於槃俱置饌所遂
 烹牲郊社令帥其屬掃除壇之上下

奠玉幣

祀日丑前五刻行事用丑時七刻諸祀官及陪祠之官各服其

服郊社令與太史官屬入設神位版太府卿少府監入
陳玉幣光祿卿入實籩豆簠簋太官令入實尊樂正帥
工人二舞以次入與執尊壘篚霽者各就位次通事舍
人等分引文武陪祠官及宗室客使各人就位次禮直
官贊者分引大禮使以下行事執事官就如堦內墻門
外揖位立定禮直官贊揖次引監察御史次引大禮使
以下入就位次引監察御史按視壇之上下糾察不如
儀者退伏位尚輦奉御進輿於齋殿皇帝服通天冠絳

紗袍乘輿以出迎侍及扈從之官導從至大次門外皇
 帝降輿入次簾降禮儀使樞密院官太常卿東上閣門
 官太常博士禮直官分立於大次外之左右次引禮部
 侍郎詣前奏請中嚴少頃又奏外辨符寶郎奉寶陳玉
 于宮架之北禮儀使當次前俛伏跪奏禮儀使具官臣某
 言請皇帝行事奏訖俛伏興還侍位
禮儀使奏禮畢准此 簾卷皇
 帝服衮冕以出侍衛如常儀禮儀使以下前導至中壝
 門外殿中監跪進大圭殿中少監副之
凡殿中監進圭受圭皆少監副

之禮儀使奏請執大圭前導皇帝入自正門侍衛不應入者止於

外門協律郎跪俛伏舉麾興凡行禮執事者取物工鼓祝

宮架儀安之樂作皇帝升降行止皆作儀安之樂至午階版位西向立偃

麾戛敵樂止凡樂皆協律郎跪俛伏舉麾興工禮儀使

以下分左右侍立凡行九皆禮儀使樞密院官太常卿東上閤門官太常博士禮直官前導

至位則分立于左右禮儀使前奏有司謹具請行事宮架作景安

之樂帝臨降康之舞六成止太常升煙燔牲首禮儀使

奏請再拜皇帝再拜贊者曰再拜在位官皆再拜內侍

取玉幣於篚立於尊所次引太宰吏部尚書侍郎升詣上帝神位前立太宰吏部尚書俱西向北上侍郎東向禮儀使以下前導皇帝詣盥洗位宮架樂作至洗位北向立樂止內侍酌水以進禮儀使奏請措大圭盥手內侍跪取巾于篚興以進皇帝幌手內侍受巾跪奠於篚禮儀使奏請執大圭前導皇帝升壇大禮使從皇帝升降大禮使皆從左右侍衛量人數升宮架樂作至壇下樂止升自午階登歌樂作至壇上樂止登歌嘉安之樂作殿中監跪進鎮圭

禮儀使奏請搢大圭執鎮圭前導皇帝詣上帝神位前北向立內侍先設繅藉于地禮儀使奏請跪奠鎮圭於繅藉執大圭俛伏興又奏請搢大圭跪內侍加玉於幣以授吏部尚書吏部尚書以授太宰太宰西向跪以進禮儀使奏請受玉幣皇帝受奠訖吏部侍郎東向跪受以進興奠于上帝神位前太宰吏部尚書侍郎俱詣太宗皇帝神位前以俟禮儀使奏請執大圭俛伏興內侍取鎮圭繅藉詣太宗皇帝神位前先設繅藉于地禮儀使

奏請再拜皇帝再拜訖樂止禮儀使前導皇帝詣太宗

皇帝神位前東向奠幣並如上儀

惟登歌作獻安之樂

太宰以下

俱復位禮儀使前導皇帝還版位登歌樂作內侍舉鎮

圭纁藉以鎮圭授殿中監以還有司皇帝降階樂止宮

架樂作至版位西向立樂止祝史奉毛血槃立於壝門

外由其階陞大祝迎於壇上俱進奠於神位前太祝與

執事者退立於尊所

政和五禮新儀卷四十

欽定四庫全書

政和五禮新儀卷四十一

吉禮

皇帝雩祀上帝儀下

進熟

祀日有司陳鼎二於神厨各在鑊右太官令帥進饌者

詣厨以七升牛於鑊實於一鼎肩臂臑肫胙胙正脊一直脊一橫脊一長脅一短

脅一代脅一皆二骨以並正配位各一鼎設局幕祝史對舉陳於饌幔內重行

西向以南為上光祿丞實籩豆簠簋於饌幔前

籩實以粉粢豆

實以糝食簠實以梁簠實以稷

次引禮部侍郎詣饌所視腥熟之節俟

皇帝升奠玉幣訖還位樂止引禮部尚書詣饌所執籩

豆簠簋以入戶部尚書詣饌所奉俎以入太官令引入

正門宮架豐安之樂作設於外階之下北向西上奉牲

者在東祝史抽扃委於鼎右除幕初鼎序入有司執匕

及俎以從至外階下各設于鼎西匕加於鼎太官令以

匕陞牛各載一俎

肩臂臠在上端肫胙在下端脊脅在中正配位各一俎

鼎先退

祝史進徹毛血槃以次出次引禮部尚書搢笏執籩豆
簋簠戶部尚書搢笏奉俎以陞執事者各迎於壇上禮
部尚書奉籩豆簋簠詣上帝神位前北向跪奠啟蓋於
下執笏俛伏興有司設籩於糗餌前豆於醢醢前簋於
稻前簠於黍前次引戶部尚書奉俎詣上帝神位前北
向跪奠執笏俛伏興有司設於豆前次詣太宗皇帝神
位前東向跪奠並如上儀樂止俱降復位太祝取菹擣
於醢祭於豆間三又取黍稷肺祭如初皆籍用茅各還

尊所引太宰左丞詣上帝神位前西向立以北為上次
引吏部侍郎詣爵洗位東向立禮儀使導皇帝詣盥洗
位宮架樂作至洗位北向立樂止內侍酌水以進禮儀
使奏請搢大圭盥手內侍跪取巾於篚興以進皇帝悅
手內侍受巾跪奠於篚內禮儀使奏請執大圭前導皇
帝詣爵洗位宮架樂作至洗位北向立樂止吏部侍郎
跪取爵於篚興以進禮儀使奏請搢大圭受爵內侍酌
水以進禮儀使奏請洗爵內侍跪取巾於篚興以進皇

帝拭爵內侍受巾跪奠於篚吏部侍郎受爵升自午階
禮儀使奏請執大圭前導皇帝升壇宮架樂作至午階
樂止升自午階登歌樂作至壇上樂止登歌歆安之樂作
吏部侍郎奉爵詣正位酌尊所西向立執尊者舉冪良
醞令酌大尊之泛齊訖先詣配位酌尊所北向立禮儀
使前導皇帝詣上帝神位前北向立禮儀使奏請播大
圭跪吏部侍郎以爵授左丞左丞授太宰西向跪以進
禮儀使奏請執爵祭酒

三祭於茅苴

奠爵執大圭俛伏興奏

請少立樂止太宰左丞俱詣太宗皇帝神位前北向立
 以俟舉冊官舉祝冊進於上帝神位之右讀冊官播笏
 東向跪讀冊文讀訖執笏興先詣太宗皇帝神位前南
 向立禮儀使奏請再拜皇帝再拜有司奠冊於上帝神
 位前禮儀使前導皇帝詣太宗皇帝神位前酌獻並如
 上儀惟登歌作咸安之樂太宰以下俱復位禮儀使前導皇帝還
 版位登歌樂作降階樂止宮架樂作至版位西向立樂
 止禮儀使奏請還小次宮架樂作將至小次禮儀使奏

請釋大圭殿中監跪受大圭皇帝入小次簾降樂止文
舞退武舞進宮架容安之樂作舞者立定樂止初皇帝將
詣小次禮直宮太常博士引亞獻詣洗位北向立搯笏
盥手悅手執笏詣爵洗位北向立搯笏洗爵拭爵以爵
授執事者執笏升詣正位酌尊所西向立宮架作隆安
之樂神保錫羨之舞執事者以爵授亞獻亞獻搯笏執
爵執事者舉冪太官令酌山尊之醴齊訖先詣配位酌
尊所北向立亞獻以爵授執事者執笏詣上帝神位前

北向搢笏跪執事者以爵授亞獻亞獻執爵祭酒三祭於茅苴奠爵執笏俛伏興少退北向再拜次詣太宗皇帝神位前酌獻並如上儀樂止降復位初亞獻行禮將畢次禮直官太常博士引終獻詣洗及升壇酌獻並如亞獻之儀降復位初皇帝既奠玉幣光祿以牛左臂一骨及長脅短脅俱二骨以並載於胙俎設於壇下飲福位之西俟終獻既升獻引戶部尚書搏黍太祝太官令詣飲福位東向立奉俎豆爵酒者各位於其後禮

儀使奏請詣飲福位簾卷出次宮架樂作殿中監跪進
大圭禮儀使奏請執大圭導皇帝詣飲福位將至位樂
止宮架禧安之樂作皇帝至飲福位北向立良醞令典
御執尊升詣酌尊所良醞令酌上尊福酒合置一尊典御
奉尊降詣飲位以授殿中少監尚醞奉御執爵殿中少
監酌之奉御以爵酒授殿中監殿中監西向捧以立禮
儀使奏請再拜皇帝再拜殿中監跪以爵酒進禮儀使
奏請搢大圭跪受爵祭酒

三祭於地

啐酒奠爵殿中監跪受

爵以興太祝帥執事者持胙俎進減神位前正脊二骨
橫脊二骨加於俎上內侍受俎以授戶部尚書戶部尚
書西向跪以進皇帝受俎奠之戶部尚書受俎以興退
復位太官令取黍於簋搏以授太祝太祝受以豆東向
跪進皇帝受訖奠之太祝受豆以興退復位次殿中監
再跪以爵酒進禮儀使奏請受爵飲福酒奠爵殿中監
受虛爵興以授典御奉御執事者俱退復位禮儀使奏
請執大圭俛伏興又奏請再拜皇帝再拜止禮儀使前

導皇帝還版位宮架樂作至版位西向立樂止次引禮

部尚書升壇徹籩豆戶部尚書升壇徹俎

籩豆各一皆少移故處

登歌成安之樂作卒徹樂止禮部戶部尚書降復位禮
直官曰賜胙行事陪祠官拜贊者承傳曰賜胙再拜在
位官皆再拜送神宮架景安之樂作一成止

望燎

景安之樂畢禮儀使奏請詣望燎位前導皇帝詣望燎
位宮架樂作至位南向立樂止初賜胙再拜訖郊社令

以黍稷肺祭藉以白茅束之吏部侍郎帥太祝執篚進
詣神位前取玉幣祝冊藉以茅以俎載牲體黍稷飯爵
酒降壇南行詣柴壇自南陞升以玉幣祝冊饌物置於
燎柴禮直官曰可燎舉燿火東西各以炬燎半柴禮儀
使奏請禮畢前導皇帝還大次宮架樂作出自中壝門
外禮儀使奏請釋大圭殿中監跪受大圭以還有司侍
衛如常儀皇帝至大次樂止禮部侍郎奏解嚴次引大
禮使以下詣階之東內壝外揖位立禮直官贊禮畢揖

訖退通事舍人等引陪祠文武官及宗室客使以次出

將士不得輒離部位

端成殿受賀並
如冬祀大禮儀

車駕還內

前期殿中監帥其屬尚舍設御幄於大慶殿門外之東
南向大晟設宮架於宣德門外稍南其日祀事禮畢所
司轉仗衛鹵簿於還途如來儀文武百官宗室客使先
詣宣德門外就次以俟立班奉迎乘黃令進金輅於行
宮殿門外南向千牛將軍一員執長刀立於輅右尚輦

奉御進輿於齋殿導駕官俱詣齋殿門外奉迎禮部侍

郎奏請中嚴少頃又奏外辦簾卷皇帝服通天冠絳紗

袍乘輿以出應導駕官並迎駕奏聖躬萬福內祇應官贊謝皆再

拜太僕卿出詣金輅所攝衣而升正立執轡皇帝乘輿

降自西階至金輅所左輔奏請皇帝降輿升輅有司仍具大輦

若乘輦即奏云降輿陞輦太僕卿立受綏千牛將軍馭駕如來儀門

下侍郎奏請車駕進發車駕動稱警蹕侍衛如儀至侍

臣上馬所門下侍郎奏請車駕少駐勅侍臣上馬左輔

前承旨退稱曰制可門下侍郎傳制稱侍臣上馬贊者
承傳勅侍臣上馬門下侍郎奏請車駕進發車駕動稱
警蹙鼓吹及諸軍樂振作車駕將至宣德門外文武百
官宗室客使並立班再拜奉迎次大內留守見再拜訖
退車駕至宣德門外少駐文武侍臣皆下馬步導千牛
將軍夾輅而趨大樂令奏采茨之樂入門樂止車駕至
御幄前左輔奏請皇帝降輅乘輿

若輦即奏云
降輦乘輿

皇帝降

輅乘輿以入禮部郎中奏解嚴通事舍人承旨勅羣官

各還次將士各還其所

若肆赦並如冬祀大禮宣德門肆赦儀



政和五禮新儀卷四十一